

SPORTSKI KRITERIJ
(Premijer liga)

- UPUTSTVO ZA IZRADU DOKUMENTACIJE ZA ISPUNJENJE KRITERIJA -

Ciljevi sportskih kriterija su:

- Da klubovi koji učestvuju u takmičenjima Premijer lige BiH investiraju u programe razvoja omladinskog fudbala;
- Da klubovi podržavaju fudbalsku edukaciju i ohrabruju nefudbalsko obrazovanje svojih mladih igrača;
- Da klubovi provode medicinsku brigu za svoje mlade igrače;
- Da klubovi razvijaju fer-plej na terenu i izvan terena, te uzajamno razumjevanje pravila igre i sudijskih pitanja među onima koji su uključeni u utakmice (treneri, igrači, službena lica);
- Da klubovi kao i svi učesnici u takmičenjima, druge ljude tretiraju na pošten način, neovisno od njihove boje, porijekla, nacionalnosti, statusa i okolnosti, kako bi se umanjio i preduprijetio efekat rasizma i nacionalizma (šovinizma).

Da bi aplikant za licencu (klub) zadovoljio sportske kriterije mora ispuniti minimum zahtjeva sadržanih u Pravilniku o licenciranju klubova kao i dokaze o ispunjenju dokumentovati na slijedeći način.

S.01 Usvojen program za razvoj omladinskog nogometa /fudbala

Svaki klub mora imati program za razvoj omladinskog nogometa/fudbala. Ovaj program se mora do 28.februara dostaviti Administraciji za licenciranje/ekspertu za sportski kriterij na odobrenje. Uz program, potrebno je dostaviti izjavu kluba potpisanu od strane odgovorne osobe da je program usvojen na sjednici (datum) organa uprave kluba. Samo program za razvoj omladinskog nogometa/fudbala odobren od strane Administracije za licenciranje, smatraće se dokazom o ispunjenju uslova S.01. Odobrenje programa će se konstatovati u pisanoj formi na period od najmanje 3 godine i za to vrijeme nije potrebno ponovo dostavljati program, sem u slučaju izmjena koje je uradio sam aplikant za licencu ili u slučaju dodatnih zahtjeva koje je odredio davalac licence.

Program za razvoj omladinskog nogometa/fudbala mora obrađivati slijedeće tematske cjeline:

a) Ciljeve i filozofiju razvoja omladinskog nogometa/fudbala

- uvodni tekst (izjava) na početku programa

b) Organizacija omladinskog pogona

- organizaciona šema;
- pozicija pogona u organizacionoj šemi kluba;
- mladi timovi.

c) Osoblje

- stručno, administrativno, zdravstveno, pomoćno;
- stanje stručne osposobljenosti i planovi edukacije.

d) Raspoloživost infrastrukture za omladinski pogon

- objekti i tereni za treniranje i utakmice;
- stanje opreme i rekvizita za treniranje.

e) Finansijski resursi

- raspoloživa sredstva, doprinos Kluba (aplikanta za licencu), igrača ili lokalne zajednice,
- izvori finansiranja: članarina, klub, lokalna zajednica, roditelji, donacije, sponzori.

f) Program edukacije u nogometu/fudbalu za različite starosne grupe (vještine igranja, tehničke, taktičke i fizičke pripreme)

- Najvažniji i najobimniji dio Programa za razvoj ...
- U programu treba da budu obrađeni slijedeći elementi:
 1. osnovni zadaci, sadržaj i metod rada;
 2. selektivnost, metode provjere i testovi provjere;
 3. godišnji plan obuke elemenata tehnike, taktike i kondicije za svaku kategoriju posebno;
 4. godišnji plan obuke za golmane;
 5. periodizacija rada sa takmičarskim selekcijama;
 6. izvod iz dnevnika rada-list

g) Program edukacije o »Pravilima igre«

- navesti načine edukacije mladih igrača.

h) Program edukacije o anti-dopingu;

i) Program edukacije o integritetu;

j) Medicinska podrška mladim igračima

- način medicinske zaštite mladih igrača.

k) Proces pregleda i povratne informacije radi ocjenjivanja rezultata i ispunjenja postavljenih ciljeva

- uspostaviti pisane procedure pregleda valjanosti programa i način prikupljanja povratnih informacija.

l) Validnost programa je od najmanje 3 godine do najviše 7 godina .

Svaki klub treba da u sklopu Programa za razvoj omladinskog nogometa /fudbala ili kroz posebnu izjavu osigura uvođenje slijedećih odredbi:

- a)** Klub osigurava da svaki mladi igrač involviran u njegov razvojni omladinski program ima mogućnost da pohađa obaveznu redovnu nastavu u skladu sa državnim zakonom;
- b)** Klub osigurava da svaki mladi igrač involviran u njegov razvojni omladinski program ne bude sprječavan da nastavi svoje nefudbalsko obrazovanje(srednja škola ili sticanje struke).

S.02 Mladi timovi

Potrebno je dostaviti listu igrača prvog tima kao i listu mladih timova i to: U-18, U-16, U-14, U-12 i U-10. Svi igrači na listama moraju biti registrovani u NS/FS BiH, a liste same moraju biti ovjerene i potpisane od strane područnih/kantonálnih saveza. Za svaki mladi tim mora se navesti takmičenje priznato od NS/FS BiH u kojem učestvuje taj tim sem za U-10 pošto za ovu starosnu grupu nema takmičenja na službenom nivou. Za U-10 treba navesti eventualna turnirska takmičenja.

S.03 Medicinska zaštita igrača

Klub mora osigurati da svu njegovi igrači koji imaju pravo nastupa za prvi tim, izvrše godišnje ljekarske preglede, uključujuću kao minimum kardiovaskularni test.Ovaj kriterij se dokazuje kroz Izjavu klupskog ljekara.

S.04 Sudijska pitanja i Pravila igre

Klub osigurava ispunjenje ovog kriterija putem izjave da je klub obezbjedio putem kantonalnih/područnih saveza i njihove sudijske organizacije edukaciju najmanje kapitena tima ili njegove zamjene i glavnog trenera i njegovog pomoćnika po pitanju »Pravila igre« i sudijskim pitanjima.

S.05 Praksa rasne i nacionalne jednakosti i antidiskriminacije

Klub osigurava ispunjenje ovog kriterija putem odgovarajuće izjave od strane najvišeg organa uprave kluba uspostavio politiku koja će se baviti sprječavanjem i preduprjeđivanjem rasizma, nacionalizma i šovinizma u nogometu/fudbalu.

Napomena: Obzirom na izmjene i dopune Pravilnika o licenciranju klubova za učešće u UEFA-inim klupskim takmičenjima (izdanje decembar 2018), ovo Uputstvo će biti dopunjeno i u skladu sa kriterijima zahtjevanim u novim pravilnicima.

Ekspert za sportske kriterije